АЖРИМ

(даъво аризани кўрмасдан қолдириш тўғрисида)

Шовот тумани

2024 йил 3 июнь

Судъя: Б.И.Хайитбоев

Шовот туманлараро иктисодий суди раиси, судья Б.Хайитбоев, судья ёрдамчиси Ш.Салаевнинг котиблигида, Шовот туанлараро иктисодий суди биносида очик суд мажлисида

Даъвогар: Гурлан туман фермер, деҳқон ҳўжаликлари ва томорқа ер эгалари кенгашининг "Холбой файз даласи" фермер ҳўжалиги манфаатида

Жавобгар: "Гурлан глобал текс" масъулияти чекланган жамиятидан 69.972.332 сўм ундириш тўғрисидаги даъво аризаси бўйича ишни даъвогар вакили Ф.Рахимов (рахбар) иштирокида кўриб чикиб,

АНИКЛАДИ:

Гурлан туман фермер, деҳқон хўжаликлари ва томорқа ер эгалари кенгашининг "Холбой файз даласи" фермер хўжалиги манфаатида, Шовот туманлараро иктисодий судига даъво ариза билан мурожаат қилиб, "Гурлан глобал текс" масъулияти чекланган жамиятидан 69.972.332 сўм ундиришни сўраган.

Суд мажлисида иштирок этган даъвогар вакили суд қарори билан солиқ қарздорлиги юзасидан фермер хўжалиги банкрот деб топилганлигини, хозирда солиқ қарзи бўйича қарздорликни бартараф этиш чоралари кўрилаётанлигини, ишни қонуний кўриб чиқишни сўради.

Бугунги суд мажлисининг ўтказилиш вақти ва жойи тўғрисида жавобгар қонунда белгиланган тартибда хабардор қилинган бўлсада, унинг вакили иштирок этмади, даъво ариза юзасидан фикр билдирмади.

Бундай холда суд ишни Ўзбекистон Республикаси иктисодий процессуал кодексининг 128, 170-моддаларига асосан жавобгар вакилининг иштирокисиз кўриб чикишни лозим деб хисоблайди.

Суд, судга такдим қилинган хужжатларни ўрганиб чиқиб, қуйидаги асосларга кўра даъво аризани кўрмасдан қолдиришни ва ишни кўриш билан боғлиқ суд харажатларини даъвогар зиммасига юклашни лозим топади.

Даъвогар Гурлан туман фермер, деҳқон ҳўжаликлари ва томорқа ер эгалари кенгашининг "Холбой файз даласи" фермер ҳўжалиги манфаатида, жавобгар "Гурлан глобал текс" масъулияти чекланган жамиятидан 69.972.332 сўм ундириш тўғрисидаги даъво аризаси судга 2024 йил 1 май куни келиб тушган.

Бироқ, даъвогар "Холбой файз даласи" фермер хўжалиги муқаддам Шовот туманлараро иктисодий судининг 20.05.2024 йилдаги ҳал қилув қарорига асосан тўловга қобилиятсиз деб топилган ва тугатишга доир иш юритиш бошланган.

Ўзбекистон Республикаси Иқтисодий процессуал кодекси 107-моддаси 9-бандига кўра, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик

тўғрисидаги иш доирасида кўрилиши лозим бўлса даъво аризани кўрмасдан қолдиради.

Ўзбекистон Республикаси Президентининг 10.10.2017 йилдаги ПҚ 3318-сонли қарори 3-бандида фермер, деҳқон ҳўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва ҳўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шаҳслари ҳатти-ҳаракатлари (ҳаракатсизлиги) устидан шикоятлар тақдим этиш. Бунда даъво аризасини қаноатлантириш рад этилганда манфаати кўзлаб даъво аризаси киритилган фермер, деҳқон ҳўжаликлари ва томорқа ер эгаларидан давлат божи ундирилмайди деб кўрсатилган.

Бироқ, ушбу холатда даъво ариза рад қилинмасдан иш кўрмасдан қолдирилган.

Қайд қилинганлардан келиб чиқиб, суд даъвогарнинг даъво аризасини кўрмасдан қолдиришни, ишни кўриш билан боғлиқ суд харажатларини даъвогар зиммасига юклашни лозим деб топади.

Юқоридагиларга кўра ҳамда Ўзбекистон Республикаси Иқтисодий процессуал кодексининг 107, 128, 170, 195-197-моддаларига асосланиб, суд

ажрим килди:

Даъвогар Гурлан туман фермер, деҳқон ҳўжаликлари ва томорқа ер эгалари кенгашининг "Холбой файз даласи" фермер ҳўжалиги манфаатида жавобгар "Гурлан глобал текс" масъулияти чекланган жамиятидан 69.972.332 сўм ундириш тўғрисидаги даъво аризаси бўйича иш кўрмасдан қолдирилсин.

Даъвогар "Холбой файз даласи" фермер хўжалиги томонидан олдиндан 34.000 сўм почта харажати тўланганлиги қайд этилсин.

Даъвогар "Холбой файз даласи" фермер хўжалиги хисобидан Республика бюджетига 1.399.446,64 сўм давлат божи ундирилсин.

Ажрим бир ой муддат ўтгач қонуний кучга кириши қайд қилинсин.

Ажрим қонуний кучга киргач ижро варақа берилсин.

Ажримдан норози томон бир ойлик муддат ичида шу суд орқали Хоразм вилоят суди иқтисодий ишлар бўйича судлов ҳайъатига апелляция тартибида шикоят қилишга, прокурор протест келтиришга ҳақли.

Судья Б.Хайитбоев

